

**სსიპ - საქართველოს შოთა რუსთაველის თეატრისა და კინოს სახელმწიფო უნივერსიტეტის
სტუდენტებისათვის სახელმწიფო სტიპენდიის გაცემის წესი**

დამტკიცებულია: წარმომადგენლობითი საბჭოს მიერ

სხდომის ოქმი N17, 20/11/2025წ.

მუხლი 1. რეგულირების სფერო

1. სსიპ - საქართველოს შოთა რუსთაველის თეატრისა და კინოს სახელმწიფო უნივერსიტეტის (შემდგომ - უნივერსიტეტი) სტუდენტებისათვის სახელმწიფო სტიპენდიის გაცემის წესი (შემდგომ - წესი) განსაზღვრავს უნივერსიტეტის სტუდენტებისათვის სახელმწიფო სტიპენდიის (შემდგომ - სტიპენდია) გაცემის წესსა და პირობებს.
2. უნივერსიტეტში სტიპენდია გაციემა მოქმედი კანონმდებლობის, ამ წესისა და სხვა შესაბამისი სამართლებრივი აქტების საფუძველზე.

მუხლი 2. სტიპენდია

1. სტიპენდია არის ფულადი თანხა, რომელიც ეძლევა უნივერსიტეტის სტუდენტს სწავლის ხელშეწყობისა და მოტივაციის ამაღლების მიზნით, ამ წესისა და სხვა შესაბამისი სამართლებრივი აქტების საფუძველზე.
2. სტიპენდიის ოდენობა შეადგენს 300 (სამასი) ლარს.

მუხლი 3. სტიპენდიის გაცემის წინაპირობები

1. უნივერსიტეტში სტიპენდია გაციემა ამ წესის შესაბამისად ბაკალავრიატის საგანმანათლებლო პროგრამაზე ჩარიცხული აქტიური სტატუსის მქონე სტუდენტზე, წინა სემესტრის აკადემიური მოსწრების საფუძველზე.
2. სტიპენდია არ გაციემა დამამთავრებელი სემესტრის (მე-4 კურსის მე-2 სემესტრი) შედეგების გათვალისწინებით.
3. სტიპენდიები არ გაციემა დამატებითი სემესტრის სტუდენტებზე.
4. სტიპენდია გაციემა იმ შემთხვევაში, თუ სტუდენტს ათვისებული აქვს სასწავლო გეგმით გათვალისწინებული ყველა კრედიტი და წინა სემესტრის შეფასებების საშუალო არითმეტიკული ქულა შეადგენს არანაკლებ 91-ს.
5. სტიპენდია არ გაციემა მობილობის შემთხვევაში სხვა უმაღლესი საგანმანათლებლო დაწესებულების აკადემიური მოსწრების რეიტინგების საფუძველზე.

მუხლი 4. სტიპენდიის ბიუჯეტი და სტიპენდიანტთა რაოდენობა

1. ამ წესის მიზნებისთვის სტიპენდიის ბიუჯეტი და სტიპენდიანტთა საერთო რაოდენობა მტკიცდება ყოველწლიურად უნივერსიტეტის წარმომადგენლობითი საბჭოს მიერ.
2. სტიპენდიანტთა მაქსიმალური რაოდენობა ყოველ სემესტრში არ უნდა აღემატებოდეს ამავე სემესტრის დაწყების დღისთვის აქტიურ სტუდენტთა რაოდენობის 5%-ს.
3. ამ მუხლის მე-2 პუნქტით გათვალისწინებული რაოდენობის ფარგლებში, უნივერსიტეტის წარმომადგენლობითი საბჭო უნივერსიტეტის აქტიური სტუდენტების სრული რაოდენობიდან გამომდინარე ადგენს უნივერსიტეტში სტიპენდიანტთა საერთო რაოდენობას და ანაწილებს მათ ფაკულტეტების მიხედვით თითოეულ ფაკულტეტზე აქტიური სტატუს მქონე სტუდენტების პროპორციულად.

მუხლი 5. სტიპენდიანტების გამოვლენის წესი

1. დადგენილი კვოტის ფარგლებში, სტიპენდიანტები გამოვლინდება წინა სემესტრის აკადემიური მოსწრების საფუძველზე, შესაბამის ფაკულტეტის ფარგლებში ქულათა რანჟირების გზით ყველაზე მაღალი აკადემიური მოსწრების მქონე სტუდენტების რეიტინგის შესაბამისად.
2. თანაბარი ქულების არსებობის შემთხვევაში, უპირატესობა მიენიჭება იმ სტუდენტს, რომელსაც ძირითად მაპროფილეზელ საგანში/საგნებში აქვს უმაღლესი შეფასება.
3. სტიპენდიანტების გამოვლენის მიზნით საჭირო პროცედურები უნდა განხორციელდეს იმგვარად, რომ სემესტრის დასრულებამდე სტუდენტს მიეცეს სტიპენდია.

მუხლი 6. სტიპენდიანტთა სიის დამტკიცება

1. სტიპენდიანტთა სია მტკიცდება რექტორის ბრძანებით.

მუხლი 7. სტიპენდიის გაცემა

1. სტიპენდია გაიცემა ყოველთვიურად, 10 თვის მანძილზე (5 თვე სემესტრულად). რექტორის ბრძანებით შესაძლებელია დადგინდეს სტიპენდიის გაცემის ამ წესისაგან განსხვავებული გრაფიკი (მათ შორის, შესაძლებელია გაიცეს ერთიანად სემესტრის ბოლოს).
2. სტიპენდია გაიცემა უნაღლო ანგარიშსწორების წესით სტუდენტის საბანკო ანგარიშზე გადარიცხვით გზით.

მუხლი 8. სტიპენდიის შეწყვეტა

1. სტუდენტს სტიპენდია უწყდება:

ა) სტატუსის შეჩერების/შეწყვეტის შემთხვევაში;

ბ) მობილობის შემთხვევაში (გარდა შიდა მობილობისა);

გ) საქართველოს კანონმდებლობის, უნივერსიტეტის შიდა რეგულაციებისა და სხვა სამართლებრივი აქტების დარღვევისას.

მუხლი 9. დაფინანსების წყარო

1. სტიპენდია გაიცემა „საქართველოს სახელმწიფო ბიუჯეტის შესახებ“ საქართველოს შესაბამისი წლის კანონის საფუძველზე უნივერსიტეტისათვის გამოყოფილი საბიუჯეტო ასიგნებებიდან.

მუხლი 10. სტიპენდიის გაცემის გამონაკლისი შემთხვევა

1. უნივერსიტეტი უფლებამოსილია (შესაბამისი ფაკულტეტის წარდგინების საფუძველზე) ამ წესის შესაბამისად მიიღოს გადაწყვეტილება, გაუცემელი თანხის სხვა სტუდენტისთვის (საუკეთესო აკადემიური მოსწრების მქონე სხვა სტუდენტისთვის, რომლის წინა სემესტრში შეფასებათა საშუალო ქულა რიგითობით ყველაზე მაღალია) სტიპენდიის სახით დანიშვნის შესახებ, სტიპენდიანტთა სიისთვის ამ სტუდენტის დამატებით.

მუხლი 11. გარდამავალი დებულებები

1. ეს წესი გავრცელდება უნივერსიტეტის იმ სტუდენტებზე, რომელთა 2025 წლის გაზაფხულის სემესტრის შეფასებების საშუალო არითმეტიკული ქულა შეადგენს არანაკლებ 91-ს.

2. წინამდებარე წესს ამტკიცებს უნივერსიტეტის წარმომადგენლობითი საბჭო;

3. წინამდებარე წესის გაუქმება, მასში ცვლილებებისა და დამატებების შეტანა ხორციელდება ამ მუხლის მე-2 პუნქტში მითითებული წესით.